

Nutaanguqtirlugu tahamaniittuq haamlatkut imighaq ima qarvia Haamlatkunni Kugluktukmi, Nunavut.

Tatja Kugluktup imiqtautaa piqaqtuq malguungnik imiqtarutini tahamani Kugluktup kuugaani, imaakiaq 1.5 uumunga 2 m qulvahingningani kuugaup natianit imaakiarluk 35 m unghiktilaaqarhuni hinaanit. Imaqtautaa qayumiktilaanga aularaanginnaqtuq imaaut 600 uumunga 675 L/m. Imiqtaruti piqaqturluk aalamik qulaanittumik imiqtarutimik, atuqtauyaaqtuq ukiumi agluairhimaluni hikumi. Taapkuat pampirutiit angmaqtauvaktut pampautiqarvikmit kuugap hinaani. Imaq hapkunanga imiqtarutinit hanaqiyauvaktut inuit atuqtaghaa. Taimaalu, 90,000 L upalungairhimayut qaptirutighat. Tatja ukuiq tamaat aturniit titiraqtauhimayuk imaaut 77,015 m³, aturaanginnarniqarhuni imaakiaq 211 m³/uplumi. Imainnaq hanaqutigiyauvaktuq imaaut imarmut halumaiyautimut jaaviksilirinirmullu hivuagut aghaluutikkut agyaqtautinnagu.

Titirauyarniit nutaamut imiqtautighamut tatja havaktauliqtut.

Anakuurvik Iqqakuurviillu:

Tatjali, Haamlatkut Kugluktumi aulapkaishimayut atauhiinnarmik anakuuvikmik anaqtautiit quviraqtauvaghutik kutiruqmut, anivaghuni imaakiaq 3 km taununga Tagiurmut. Halumaittut imait Haamlami katitiqtauvaktut aghaluutikkut quviraqtaupluni anakuurvikmut, unghiktilaaqarhuni imaakiaq 5 km nunalaamit. Ihuigiyauniqangittuq mamainningani.

Taamna nutaaq anakuurvikhaq hanianiinniaqtuq tahamaniittumi anakuurvikmit. Quvirarnikkut tatatvighaqarniaqtuq imaakiaq 130,600m³. Anakuurviup angitilaangi imaa ittut 223m takitilaanga, 223m hilitilaanga itiniqarhuni imaaut 3.0m. Uvingayut qarhuit unalu 1.5m qingiktuq avalu qaivihimayaa anakuurvik taimaatut titirauyaluqqaarhimayutut. Una Anakuurvik aalliniqauktuq aallinirmik. Havaknikkut aktilaangit tuniyauniaqtut hailihimaliqqata Taamna avalu ukkuqarniaqtuq aghaluutiqarvikmi quvirarviup turhuananilu.

Ukiuq tamaat Quvirarniq aullaqtirniaqtuq hikuiyalihaaqqat(qitqanikiaq- june) aulahimalunilu kiarungmi talvunga qiqitilirnirmut(nunguliqqat Saptaiapa atulihaaliqqalluunniit Aktuupa) aturumaplugu havauhiniq kuugaliarmit talvunga tariumut anivianut.

Tahamaniittuq iqqakuurvik avaluqaqtuq nunamik aktilaaqaqtumik 1.2 ha. Ungahingniqaqtuq 4.5 km uangani Haamlatkut Qarhuliurhimaittuq iqqakuurvik aktilaaqaqtuq 8,220 m², kikliqarhuni atpahingninga imaatut 1.5m. Ilangit iqqakut ikualaaqtitauraanginnaqtuq (upluq tamaat). Ilikkuuqtuq angiyuni iqqakuurvik hanianiittuq iqqakuurvikmit. Nutaaq Qayangnaqtunik iqqakuurvik havaktauhimayuq iluani Iqqakuurviup hanaqiyauyaanginni iqqakut avaluhimanirmi munariyauqarnirmilu tahamani. Tahamna aalliniqaqtuq uuminga HDPE aallinirmik kaivihimayurlu kiklia qarhuliuqtauhimayumik.

Nutaaq Halumaittuni-Nunani iqqakuurvik havaktauhimayuq piiqtittumaplugit hydrocarbon halumailruit nunami. Una iqqakuurvik qarhuliurhimyuq. Tahamna aalliniqaqtuq uuminga HDPE aallinirmik kaivihimayurlu kiklia qarhuliuqtauhimayumik. Qulaa halumaittuni-Nunani iqqakuurvik ulighimangittuq anurimiittaangani.